



Inissisarfimmiitanut toqqammavigisassanik (bistandsværger) Kommune Kujallermi qinnuteqaqqusineq

Kalaallit Nunaanni pinerluttulerinermik inatsit naapertorlugu inissisarfimmiitanut toqqammavigisassanik toqqaasarneq pillugu nalunaarut nr. 366, 19. april 2016-meersoq naapertorlugu matumuuna Kommune Kujalleq inissinneqarsimasut toqqammavigisassaannik qinnuteqaqqusilluni kaammattuivoq.

Toqqammagivissat allattorsimaffaniilerusuttunik Kalaallit Nunaanni politimestereqarfimmut innersuussassanik qinnuteqartitsererutta ingerlatitseqqissaagut.

Toqqammavigisassangortitat suliaasaat pisinnaatitaaffilu ilaatigut makkuupput:

- Pasineqartoq, unnerluutigineqartoq eqqartuunneqartorluunniit peqatigalugu iliuuseqarneq.
- Illersuisoq peqatigalugu pasineqartup, unnerluutigineqartup eqqartuussaasulluunniit eqqartuunneqarnerani toqqammavigiffiussallugu.
- Eqqartuunneqartup inuttut inissisimanagera pillugu nalunaaruteqarsimanissaq, soorluttaaq napparsimmavimmi imaluunniit napparsimmaviup immikkoortortaani, inissiivimmi imaluunniit pineqaatissinneqarsimasunut inissisarfimmi allatigulluunniit utaqqiisaasumik inissinneqarsimanagerata pisariaqanngitsumik sivitsorsarneqannginnissaanut iliuuseqarneq.
- Toqqammavigisap pasineqartoq, unnerluutigineqartoq imaluunniit pineqaatissinneqartoq maalaaruteqarsinnaanermut siunnersorlugulu ilitersussavaa, soorluttaaq Kalaallit Nunaanni pinerluttulerinermi inatsisip § 159-ia aamma 162-ia naapertorlugit, pineqaatissiissutip allangortinneqarnissaanut suliaassangortitsisinnaanermut periarfissanik siunnersorlugulu ilitersussagaa.
- Toqqammavigisap pineqartup maalaaruteqarnissaani aamma pineqaatissiissutip allangortinneqarnissaanut imaluunniit - atorunnaarsinneqarnissaanut qinnuteqarnissaani ikiorsissavaa kiisalu suliaasaat taakkua suliarineqarnissaani ikiorsissallugu.

Akissarsiat:

Kalaallit Nunaanni najugaqarlutik Toqqammavigisat kiisalu pasineqartumut, unnerluutigineqartumut imaluunniit pineqaatissinneqartumut tunngatillugu suliap sulerineqarnerani toqqammavigisassangortinneqarsimasumut Politimesteri 1.488 koruuninik akissarsiaqartitsisarpoq. Toqqammavigisaasut allattorsimaffani allassimasumut Kalaallit Nunaanni politimestereqarfik ukiumut tunngaviumik 1.984 koruuninik aamma akissarsisitsisarpoq.

Kikkut toqqammavigisassatut innersuunneqarsinnaappat?

Toqqammavigisaasat allattorsimaffianut ilanngutissaguut marluinnik, imaappoq kalaallisut qallunaatullu oqaaseqartariaqarputit.

Politiinut oqaaseqaammik siumut pissarsereersimanikkut toqqammavigisassaq toqqarneqartarpoq. Oqaaseqat atip tunniunneqannginnerani, allakkatigut akuersissummik



pissarsereernikkut, qinnuteqartumut tunngatillugu Pinerluuteqarsimasunik Qitiusumik Nalunaarsuiffimmut paasissutissanik politiit piniassapput.

Kikkut toqqammavigisassatut qinnuteqarsinnaangillat?

Tarnikkut nappaatilinnut inissiisarfimmi imaluunniit annertuumik nappaatilinnut napparsimmaviup immikkoortortaani angerlarsimaffimiluunniit il.il. atorfillit toqqammavigisassanngortinneqarsinnaangillat. Tarnikkut nappaatilinnut imaluunniit immikkoortortami imaluunniit angerlarsimaffimmi il.il. ingerlatsinermik allaffissornermilluunniit suliallit aamma toqqammaviusussanngortinneqarsinnaangillat. Unnerluussisussaataasuni, politiini, pinerluttunik isumaginnittoqarfimiluunniit atofillit aamma toqqammavigisassanngortinneqarsinnaangillat.

Paasissutissat sukumiinerusut pillugit saaffissaq:

Toqqammavigisassanngortitaaneq pillugu paasissutissat annertunerusut, Kommune Kujallermi isumaginninnermut pisortamut Kista Isaksen-imut 704100-mut saaffiginnilluni pissarsiariniarneqarsinnaapput.

Qinnuteqaateqarnissamut piffissaliusaaq:

Qinnuteqaat imminermut tunngasunik paasissutissanik ilaqartinneqartoq, kingusinnerpaamik tallimangorneq 20. april 2018 nassiunneqarsimassaaq.

Qinnuteqaat uunga nassiunneqassaaq:

Toqqammavigisaq/bistandsvæрге
att. Isumaginninnermut pisortaq Kista Isaksen
Kommune Kujalleq
Postboks 101
3920 Qaqortoq
E-mail: kommune@kujalleq.gl